



UNIVERSITÄTS-
BIBLIOTHEK
PADERBORN

Provincia Neapolitana.

[urn:nbn:de:hbz:466:1-67086](#)

P R O V I N C I A
N E A P O L I T A N A.

27

 ABVIT SOCIOS tercentum triginta. Neapoli in Profesorum Domo septuaginta tres: in Collegio centum: in Domo Probationis tres& quinquaginta: Nolæ triginta: Cirinolæ decem: septemdecim Barij; Aleij vigintiduos: Catazorij duodeuiginti: Consentiam misit septem. Admisit socios omnino duodecim: amisit quattuor.

D O M V S P R O F E S S A.

IDEM NOSTRORVM labor in exco
lendo Domini agro, par fructus: & apparuit
facrosanctorum celebratione mysteriorum
tum diebus festis, tum ijs maxime, quibus bac
chatur impunita licentia: ergo triduo ante Ci
neralia, instituta supplicatio quadragenarum
horarum frequenti concursu: & matutina qui
dem tempora pascendis animis cælesti cibo,
pomeridiana verbo, consumpta. Ceterum pri
die Quadragesimæ ad mille communicarunt.
Quadragesima ipsa, vi concionum habitarum
ad populum decem mulierculæ a meretricio
abductæ: alienæ rei restitutiones plurimæ fa
ctæ,

&æ , simultates viros inter nobiles sublata ,
odiaque restincta , contractus iniqui rescissi ,
mille circiter de totius vitæ criminibus ri-
te confessi: viri decem pellices exegere: quam-
quam & ex his aliqui easdem duxere uxores:
puellæ nonnullæ , quarum pudicitia fluctua-
bat , locatæ in portu : mulieres aliquot cæ-
dis periculo liberatæ : adiuti firmatique mo-
rientes , illa præcipue hora , quæ de annis om-
nibus sententiam fert. nec sine aliquo miracu-
lo . Quidam piam vitam egerat diu , quam pau-
latim intepescens etiam posthabuit , hoc iam
deterior , quod non vitijs modo prouehebatur ,
sed & praua animi contentione : nec reuoca-
bat se ipse , nisi a Deo correctus fuisset : hac ra-
tione: in morbum incidit , grauescente valetu-
dine , qui assidebant ægroto , admonent confes-
sionis , at ille dissimulabat , seu negligebat : adit
ad eum sacerdos vnus e nostris quasi per offi-
ciū , persuadet ut ex veteri consuetudine confu-
giat ad auxilium Dei matris , & sanctorum quos
patronos olim habuisset . nec frustra : affuit
illi ore placidissimo beata Virgo , confessionē
præcipiens : idem fuit Ioannis Euangelistæ , &
Francisci a Paula admonitum , qui eidem se ob-
tulerunt videndos . narratur visum familiaribi-
bus , reuocatur sacerdos , deum æger sanctissi-
me expiatus decedit evita . et si alijs quoque in-
uocasse Deiparam utile fuit . Vir quidam nobi-
lis cum uxoris sterilitatem doleret impatiens-
tius ,

tius, de nostrorum consilio precibus aggreditur cæli reginam, quas non irritas fuisse, in ipsius festo ac sollemni die suscepitus filius ostendit. alter certus interficiendi inimici cum sica templum nostrum ingreditur, hic Virginem orans, sensit sibi animum mitigari: neque ante discessit, quam vno e nostris interprete, cædis consilium cum pace mutaret. quod aliis similiiter fecit vir clarus natalibus, qui per noctem stipatus armatis imminebat occasioni obtruncandi hominis, quem oderat. Sed & vnuis in carcere dum laqueo sibi spiritum eripere molitur tædio vitæ, opportuno interuentu vnius e nostris deductus ab insania, & ad meliora conuersus. inuisuntur autem & publicæ custodiæ, atque etiam valetudinaria, quibus non solum prosumus, quod opem ferimus ipsi, sed quod iam viri feminæque nobiles, ad præstanta huiusmodi officia, incitantur exemplo. Ceterum Salernitana ciuitas & opulenta & nobilis, e Proregis auctoritate, egit cum Patre Nostro Generali de excitando Collegio: et visa iusta causa impetrandi. ita breui hæc Prouincia nouo Collegio augebitur.

COLLEGIVM NEAPOLITANVM.

LAETIOR HIC tandem annus Collegio illuxit: etenim tres ipsos annos laboratum erat morbo interituque multorum: tametsi

metsi nihilominus obierūt duo spectatæ virtutis: inter hos Pater Franciscus Marinus studiorum Præfектus, qui ad hoc ipsum paulo ante venerat e Sicilia: et vita quidem eius propter doctrinam ac pietatem perutilis fuit: sed si longior suppeditasset, propter scriptionem quam senectuti sepositam nunc ut maxime vrgebat, vtilior videbatur futura: tamen ut spes est, non defuit illi a Deo præmium tam egregiæ voluntatis. Vtraque Sodalitas, ut alias est scriptum, & virtute crescit & numero. maiori dulce est ac sollempne exercere in proximos officia caritatis: corrigunt errantes, placant dissidentes, subleuant inopia laborantes. hæc inter, subministrarunt sæpe vestitum nonnullis, qui ad varia cœnobia affectantes viam, aut opem desperabant a parentibus, aut veniam. aliqui etiam bidui triduive itinere adiuti viatico. ijdem adeunt damnatos ad triremes, eosque erudiunt Christianis præceptis, & sermone solantur. illud præter cetera memorandum: quod singulis hebdomadis duodeni diliguntur, ut in sex præcipua huius vrbis nosocomia bini dispertiantur, ægrotantium vtili ministerio: nec paruum æs in similia confertur. Illud mirum. In ea quæ indicauimus opera, verterat fundum capsæ quæstoriæ ærarius quæstor, ne teruncio quidem reliquo facto: interiecto deinde vix semihoræ spatio, cum in occasionem huiusmodi opus esset præsenti pecunia, & consuetudine magis,

magis, quam spe vlla, arcam ipsam excutere, magna cum lætitia, quanta ab insperato solet, parem omnino reperit numerum aureorum, quot antea de prompsisset argenteos. hoc libentiores sodales in diuino cultu, quo benignorem erga se experiuntur prouidentiam Dei. Ergo ex ijs aliqui, perlongo suscepto itinere obierunt votiuas peregrinationes : alij in patriam reuersi, instituerunt similia Sodalitiatres ac viginti ad diuersos religiosorum ordines animum appulerunt , decem ad nostrum, quorum nonnulli candidati iuris ciuilis, maiorem partem Philosophicis exculti . Atque hæc de maiore Sodalitate. non pauciora narrarentur, si cuncta exequi vellem , de altera appellatione magis, & numero, quam fortasse virtutibus, & re ipsa, minore: centum censemur. ex his duo missi in monachorum cœnobia, tres in Societatem recepti . accipite nunc vnius pietatem, & ab uno facto discite omnes. certis vestigijs indagauerat quidam turpe flagitium alterius externi: dein tectis consilijs, vt reduceret errantem in viam, vni tantum rem aperit, viro graui & prudenti, qui admonitor esset: hoc vbi ille subodoratus est, accensus iracundia, perditos homines pretio impellit ad male accipendum verberibus adolescentem , qui nec referre, nec quemquam apud magistratum accusare voluit , cum posset : magnum videlicet magistrum æmulatus, & pro bono malum accipere,

&

& pro malo bonum reddere, Christianum putabat. Ceterum tum ferijs anniuersarijs, tum opportunis etiam temporibus, missi fratres nostri circum fora compitaque: eiectisque circulatoribus, habitæ conciones ad astantem multitudinem, & permulti ad confitendum adducti. Laboratum etiam apud vincos in custodijs, & ad triremes, non sine fructu: adiuti confessione, pijs libellis, cibarijs, veste: quibusdam aut poena mitigata, aut tempus contratum: quin etiam rogatu nostrorum, innocentes exempti, & quibus condemnationis tempus effluxerat, liberi dimisi.

DOMVS PROBATIONIS, ET
Collegium Nolanum.

AD RELIQUA probationis genera accessit illa, proximis salutaris Catechesis vicino in suburbio. Ex ijs qui ponunt tertium annum tyrocinij (sunt autem numero septem, plerique sacerdotes) duorum, per Quadragesimam in totidem oppida missiones fructuosæ fuerunt. nec defuit huic quoque domui piorum hominum liberalitas, siue in sacros usus, siue in domesticos. sed & haec & alia singillatim differere non est propositæ breuitatis.

NOLAE QVOQVE, nihil eorum quæ ad animorum salutem geri solent prætermissum est. Præter ciuium morem, sed non contra utili-

Utilitatēm, introducta est consuetudo publicæ
precationis per horas quadraginta: & quod
mirum magis, illis diebus, quibus proni homi-
mines in lasciuiam, & in luxuriam fluentes. Mos
tradendæ Christianæ doctrinæ in æde maxima,
a nostris semel inductus, ab externis clericis
non intermittitur. Nolanorum erga nos be-
nevolentia non verbis solum apparuit, sed
etiam rebus: et si piarum aliquot feminarum
ac nobilium multo illustrior: hæ si quid facro-
rum ornatui deesse intelligunt, non parcunt
sumptibus: iamque diebus celeberrimis con-
uestitæ aræ, facientesque sacerdotes, ipsius
etiam templi parietes ornatu pulcherrimo.
alii deinceps argumenta liberalitatis, quia
quotidiana ac minuta, cur memoriae prodan-
tur, non satis causæ putamus.

COLLEGIVM CIRINOLANVM & Bariense.

CIRINOLANVM COLLEGIVM
hoc etiam anno auctum officinis rei do-
mesticæ administrandæ, & gymnasium nume-
ro discipulorum, qui etiam e longinquis op-
pidis ad nostros mittuntur: ex ijs nonnulli &
ex alijs pariter concipiunt vota Societatis.
Durior annona hiemisque intemperies cor-
poribus noxia, seges fuit nostris exercendæ ca-
ritatis in fame morboque laborantes, non exi-

C guo

guo fructu. quamquam suani quoque in hoc munere laudem habent sodales Oratorij, qui stipem quærantantes quotidie, tantam corrogabant, ut in magna hominum fame, et si in oppido non admodum magno aut opulento, non deesset quod egenis, quod ægrotis, quod publico etiam carceri, affatim distribueres. quod ipsum pietatis officium intermitti non placuit laxante annona. dominicis nempe diebus bini oppidum circumieunt cogentes pecuniam subsidio mendiculorum: eaque industria, nuditas simul & pudicitia feminarum defensa. ijdem sodales cum messis vberior prouenisset, magnum frumenti hordeique numerum precario coegerunt: ex quo redacta pecunia ampliando Monti Pietatis ad multorum inopiam subleuādam,

B A R I I M V L I E R quædam leuitate ingenij, & grauitate malorum, eorum remedium a veneno, quod iam disuerat, poscebat, nisi opportune a nostris admonita timuisset mortem secundam, omniq[ue] ope deinde, ut melius vivieret, ad h[ab]ixa esset. Mos erat in hac vrbe, ut ferre in hoc tractu, peruetustus (quod & superiore anno scripsimus in Cirinolano) ut mulieres, quæ proxime mortuum attingerent, domi se abdentes in squallore & fôrdibus, per annum integrum prohiberentur egressu: hic mos ut exolesceret, curarunt nostri multarum exemplo familiarum: quæ etiam in luctu, percipientis sacrosanctis mysterijs venerunt ad tem-

eug

plum

plum. Sodalitates & merito augentur & numero. id facile intelligetur e sequentibus. Duo inter nostros, tertius inter Capuccinos admissi: & repeti eadem possent, quæ anno proximo, de rebus communibus: sed propria eluxerunt. Attinebatur quidam diutius in carcere, eo tantum nomine, quod Prætorem non posset absoluere: id cum comperisset unus e sodalibus, cui incumbit procuratio vinctorum, debitam pecuniam Prætori offert, quam cum ille stomachans reieceret, quin & minitaretur vincula, nisi desisteret ab eiusmodi patrocinio. Mihi vero, inquit, nihil gloriosius posset accidere, quam si vincitos liberare cupiens carcere, pro uinctis includar in carcerem: ad alterum ex eodem coætu, adiit quidam, duplicitis oneris postulans subsidium, paupertatis, & senectæ: nec erubuit offerre florem virginis filiæ, quam secum adduxerat: admirabile factum iuuenis: turpem senem graui oratione obiurgat, filiæ parricidam: adiuuat pauperem pecunia: hac tamen lege, ne post hac vñquam eius pudicitiam putaret venalem habendam. Alius cum vidisset a quodam propter paupertatem duas filias minus honeste collocatas, suscipi tertiam domi suæ a mulieribus iussit in tuto habendam: ne si apud patrem esset, in eodem freto mergeretur. et hæc sane Sodalitas videtur benigne alijs faciendi magistra: hoc ipso anno cum metueretur caritas annonæ, multum frumenti sepositum a sodalibus,

vt ingrauescente illa subueniretur ciuium inopiae: quod & opportune factum, magna omnium commendatione , cum qui panem præberent pauperibus, iij fere eslent genere ac virtute illustres . etsi eorumdem quoque virtus enituit in malorum modesta perpessione . Vnus ex ijs cum in medio foro multis audientibus laceſſeretur iurgio, prouolutus in genua, osculatusque pedes laceſſentis , obſtupefecit miraculo omnes, cum , & in procacitate obloquentis agnoscerent ardorem iracundiæ, & in mansuetudine audientis ſuicerent pulchritudinem Christianæ pietatis. Agebat alter cum fratre germano vt iniuriam alapæ acceptæ condonaret inimico, quod cum ille ſuaderi ſibi, & domus tota grauius ferret, tot hominem cōfecere verberibus, vt ad multos dies vibices in ore præferret: cū interea eius vox exaudiretur, Tundite, tundite dum licet , ego Sodalitatis meæ memor, numquam pacem ſuadere definam. felicem: cui datum eſt vt resisteret vſque ad ſanguinem aduersus peccatum repugnanti.

C A T A C E N S E C O L L E G I V M.

MORTALITATEM expleuit vnuſ eſocijs, rarum obedientiæ modistiæque non nostris ſolum, ſed etiam externis exemplum: ſuppleuit alterum Deus adolescentem, cuius & constantia in domesticis refutandis, & ad

ad suam sententiam adducendis prudentia spe
ctata est. auctæ scholæ tum magistrorum diligē
tia, tum spectaculo dramatis, quod cum datum
esset in magno theatro, in multorum animis
auxit amorem virtutis, ac nostræ Societatis.
et si magna quoque eius opinio in oppidis cir
cum iacentibus, a quibus interdum vocamur.
Tridui itinere accitus sacerdos vñus inerat ad
ægrum graui corporis morbo, vt audiret con
fidentem: mira vis confessionis: purgatus ani
mus culpa, statim corpus infirmitate liberauit.
accessit in cumulum lœtitiae, quod vxor eius
grauida simulatque cœlesti pane refecta est,
marem peperit, cum antea numquam virilem
sobolem esset enixa. Sed & alio facto in altero
oppido inclaruit nomen Societatis. Aegrotus
quidam longo itinere misit ad nos Cœnobiar
cham Capuccinorum, vt sacerdotem impetra
ret gratia confessionis: qui missus fuit, vt ho
minem audiuit, consultus de testamento, tale
illi consilium dedit, vt quandoquidem non ha
beret liberos, fratrem faceret heredem, sed
aliquam tamen secerneret pecuniam, qua ali
quot collocari possent virgines pauperculæ
aut parentibus orbae. hic æger, qui dissipato ru
more, arbitrabatur datum iri consilium de
Collegio adiuuando, repente exclamauit, admi
ratusque nostrum institutum, ea dixit, quæ re
ferre non est nostræ modestiæ: certe ipsa ciui
tas non ignorauit quid esset actum, eoque ma

C 3 gis

gis suspexit, quod discedens sacerdos nihil eorum quæ muneris loco afferebantur, admisit. Valuit etiam ad aliquam existimationem Societatis, Sancti Leonardi templum refectum ornatumque (est hoc quoque beneficium Gregorij Tertijdecimi) quod ante erat ita negletum, ac vetustate obsitum, ut non tam videtur esse templum, quam fuisse. illud præterea, quod recepta est consuetudo incedentibus per urbem pueris decantandæ Christianæ doctrinæ: quæ statim etiam temporibus in disputatione & dialogo tradita est. pauperes denique in carcere aditi adiutique, vñus præter ceteros, qui equo raptus per urbem, suspenſusque patibulo, firmante eius animum sacerdote, & socio quassi capitis sudorem & collectas in itinere sordes linteolo abstergéte. Vtra que Congregatio suos in spiritu processus habet. ex his multi Capuccinis adscripti. fructus e concionibus non pœnitendi: ille præ ceteris memorandus. Virgo erat iam iuueni desponsa: hæc cum quotidie interesset concioni, quæ habebatur Quadragesima, nullum plorandi finem faciebat: sub finem ieunij aperit peccata totius vitæ, mox acuta febre decessit: sed tanta cum significatione religionis, supremis sermonibus suis, & testamento, cum quicquid poterat, legarit in pios vsus, ut eam spes sit euolasse ad sponsum animarum, cuius penitus infelix amor maxime fastidio præsentium erat accensus

census, Sequitur aliud quiddam minime reticendum. Matronæ nobilis famula erat, cuius pudicitiæ, quod excellenti erat pulchritudine, insidiæ tendebantur a multis. id cum domina moleste ferret, nouacula faciem eius secuit, orisque decorum multis vulneribus confudit, ne forma videlicet esset alienæ libidinis incitamentum. at virgo suam virginum reginæ commendans innocentiam, seruaturam se pudorem perpetuum voto obstrinxit, remque omnem detulit ad nostros: nec multo post, ope Deiparæ, restituta facies in pristinum, & ab omni prorsus deformitate liberata est.

A L E T I N V M C O L L E G I V M,
& Missio Consentina.

ALETII HEBRAEVS quidam nostro-
rum auxilio Catechismo imbutus, & ad ba-
ptismum adductus. Sed quæ de hoc Collegio di-
ci possent, maximam partem sibi vindicant
quattuor illæ Sodalitates, de quibus alias scri-
ptum. Hoc igitur agamus. E discipulorum So-
dalitate, aliqui varijs religiosorum familijs,
multi Societati nostræ nomina dedere, et, quod
mirum est, libentibus parentibus, interdum
etiam ipsis adduentibus: et sunt quidam, qui a
se liberos educari prædicant Societati, non si-
bi. ex hac porro Sodalitate ad nosodochia pu-
blica seni quotidie delecti, discunt ægrotis in-

C 4 seruire,

seruire, & animum frangere: quod quidam inter abstergendas lances discutiendæ nauferæ ita præstítit, ut esculentas reliquias inter retrimentiæ culinæ vel ante triduum abiectas, audie deuorans in ventrem astulerit, gloria sua victoria. & estate vero, cum in maximis caloribus publicus carcer laboraret penuria aquæ, mane ac vespere haustas aquas e nostris ædibus per medium urbem ad vincos ferebant. Ex horum numero adolescens annorum sedecim inuocato præsidio Mariæ Virginis vicit insanam libidinem mulierculæ, quæ ad eius letulum obrepserat nocte, ut eriperet pudicitiam. idē de viro accepimus ex Sodalitate nobilium, qui cum iter faciens diuertisset in copiosum hospitium publicum, a meretricula persæpe solicitatus ad flagitium, ne illic esset cum animæ periculo, migrauit in alterum tenuius priore relichto. talia hominum pectora formantur in Virginis officina.

AT CONSENTIAE cogitatum de extruendo Collegio: rogatuque Cardinalis Archiepiscopi, missi aliquot e nostris, exceptique magno, primum intra lapidem, nobilitatis occursu, ingenti deinde lætitia totius ciuitatis. et si hic quoque, ut ferme solet initij, aliquid turbatum est. Sed pacata omnia tertium intra mensem, cum concionibus habendis, audiendis confessionibus, reliquisque Societatis nostræ munibibus datum esset specimen futuræ utilitatis.

ita

ita nunc, liberalitate ciuum, septem e nostris
fus tentantur: et in vrbe, vnde magnus speratur
animatorum fructus, optimæ offeruntur condi-
ciones, neque omnino repudiandæ. Hoc certe
tam breui spatio tria Sodalitia instituta sunt
quæ Dei matrem sibi patronam adoptarunt:
Nobilium, in quo centum: Opificum, in quo
quinquaginta: Discipulorum denique, in quo
triginta numerantur, hoc profecto admirabi-
lius, quod nondum scholæ a nostris apertæ. mi-
rus omnium pro portione feruor, studiumque
astrictioris disciplinæ. in communicando fre-
quentes, in uisendis valetudinarijs, publicisque
custodijs, assidui, diligentes in spiritualibus
exercitationibus. interearestituta aliquorū bo-
na quæ male retinebantur, illicitæ pactiones
distractæ, fenebre malum oppressum, dissiden-
tium mentes ad concordiam reductæ: mulieri
denique quæ iam præsumpto veneno obstina-
uerat mori, persuasum, ut antidoto deficien-
tem iam spiritum alimine mortis reuocaret. Iu-
uenis, cum bis pugione ab inimico percussus,
ad nostras ædes confugisset, curatus primum a
nostris obligatis vulneribus, mox, et cum per-
cussore reconciliatus, remissus est domum.
Alter sclopo iactus a cædis consilio quam strue-
bat inimico, nostrorum oratione deterritus.
Itum in oppida castellaque finitima, tanta cum
gratulatione popularium, quam augebat vti-
litas perspecta, ut Catechismi gratia defere-
rent

rent plerique instantia negotia, & perinde profestis diebus, quam festis concioni interessent. at confitentium audiendorum munus a prima luce inceptum, ad vesperam usque producebatur, vix modico circa meridiem interiecto spatio, corpori curando. intelligebant videlicet oppidani, idque crebris usurpabant sermonibus, ubi agitur de summa animæ, esse rem omnem familiarem ipsamque adeo salutem corporis ultro negligendam.

PRO-